

五百四峯堂詩鈔

五百四峯堂詩鈔

卷之六

順德黎 簡簡民撰

丙申年

三十

年年未三十三忽然來細雨愁春日飛花停酒
杯艱危疑造命微賤益增才前古多賢達今人亦
草萊

溪上

溪上晚風靜影邊春日殘獨花如有怨止水尙增
寒物理閑中遠吾生懶後安回頭想身事真覺路
行難

聽吳客作吳歌二首

千里東風長綠蕪江南春似廣州無一般冷雨蕭
蕭夜不獨傷心爲鷓鴣

吳女吳聲作短謳水風荷葉送歸舟一時悵望無
尋處月照松陵江水流

柳絮詞

夢斷秦娥近十年別時種柳瘴江邊前年我渡邕
州水柳也飛花打我船

陳湘舟約過李氏融冰室

東家燕子飛西家不啄東風楊白花應有佳人囑
燕子恐渠流蕩到天涯

徐天池怪石松樹歌

元冥一角塞雷雨虛壁動盪風吹衫怪君終歲坐
陰磴不許白日窺元談高摩神霄出盤屈宵刮鬼
窟搜嶽嵌天池丈人未飲酒真氣索索如蒼蠶灑

然一醉眼眈肆撒手絕壑笑掀髯大呼外垂數分
足呼得矯矯龍移潭鐵嶂泐裂無留行上逼真宰
翔帝驂騰蹕欲上不可上其尾掉脫厥首銜裴旻
仰天劍墮面白霓千尺投空函天低地昂向落日
魯韓之戰方癡酣天池有筆力如此樵也有臂猶
能擔我有古紙濶三丈亦有筆似木柄鋤直須面
壁掃一幅是真畫也無多慙爲添一箇百歲僧跌
坐樹下如瞿曇憶昔邕州逢石人石人天台僧顓顓壑
壑眈巖巖神光睽睨照夢寐欲寫我見此老堪大

阿羅漢得此老肉眼亦不夫夫凡自言秦皇避雨
處老木奇鬼毛三天門半夜嘯風雨山岳震動
滄雲嵐老僧好奇此三宿百怪攝我吾能截銅青
鐵黑樹欲死不死亦有化者監行將金庭石橋南
訪此髡者之窮庵風濤翻江冷灌頂不聽以耳冥
而參

雨夜東張明經藥房

錦芳

百尺樓頭六十日

結陳氏
百尺樓

五十日雨眠思家故人

善藥我善病今歲見春誰見花深惜越鳥能擇木

未還祁園長種瓜人生稱志良不易愧爾看雲東

海涯

看雲眠高齋藥房句

張葑房贈硯

他日人閒西北路可教茲石得平分吟鞍北上融
燕雪行簾西征宿瘴雲未學難投仲升筆旣遷防
似宋人斤傷離臥病年年事豈有名山與此君

五羊苦熱

水氣難通市山陰不護城晝長人氣短堦濶日光
平紙墨消晨藥烟嵐太世情悠然暮歸鳥不飽亦

諧聲

刀歌

粵西得刀鐵雲南治刀裝廣東買鯨胎鍛者閩兒
良邕州王郎昔所贈謂我深入宜提防貂尾大帽
峻耳馬送我曰之黔貴陽是時行者在道旁視我
氣色飛邊霜黔山濛濛四時雨雲氣竟月蒙衣裳
深林絕谷黑路滑伐木取道排樛芒走匿已跼一
脚鬼叫嘯曾肉雙女狼醜苗自恃好身手大環漆
勒三尺強蠻奴赤眼肉碗礪使與一試逞所長陰

風冷漂雨雪練白日緊繞雙虹梁刀色抱人不見
人人乃聲出刀中央千匝不放一喝止既止眼眩
猶飛揚拱手作禮俯首視視彼刀刃成鋸鋸凌朝
打門語詰曲牛肉白酒慙跪將自從護身還故鄉
不以凶器驚殊方幾年魂夢安古屋一隙風雨懸
高墻幽燈耿耿試拂拭腥穢古血交蒼黃搗巢已
絕金川羗山東獻俘繫名王武庫青紫毀其光龍
虎夜氣成吉祥東流湯湯粵海水蛟龍中怒風濤
狂沉之千年無再揚神物自合山澤藏我去采藥

騎仙羊

秋寄

向曉秋雲飛雲飛人欲歸黃葉夜來下青山行處
非新寒警薄袖小怨託鳴機莫以風塵色能污蘿
薜衣

五百四峯堂詩鈔

卷之六終

五百四峯堂詩鈔

卷之七

順德黎簡簡民撰

丁酉年

人日

殘冬迺還里幾日感增年近喜將迎少真能飲讀
便過江微雨閣壓屋濕花懸宜春索沾酒尙有典
裘錢

八日寄葯房

八春八日劇無事便欲寄詩慵未題定憶南樵李
居士梅花晴雪到江西

詠柳

春人最少年行旁綠楊邊已見能爲態如何不可
憐寒疑濕墮髻長或掠斜肩樓閣相思色吹花攪
暮天

春望寄葯房

日落桃李樹天高花轉明春潮競風起寒浪接雲
平及雨孤帆重投林一鳥輕思君入遙夜蕭颯逼

秋清

村飲

村飲家家釀酒錢
竹枝籬外野棠邊
穀絲久倍尋常價
父老休談少壯年
細雨人歸芳草晚
東風牛藉落花眠
秧苗已長桑芽短
忙甚春分寒食天

風夜

一夜東風急
飛花人不知
閉門春自去
啼月鳥生疑
殘燐夢頻斷
破衾寒可支
明朝釣香水
桃浪皺
純絲

夜歸

俛首出花林
花深談亦深
護鐙防舊蘚
避葉妥新禽
良夜成長日
餘歡續短吟
凌晨去鄉井
賸有故山心

村亭

高柳擁村亭
春山柳外青
新鶯邀我坐
此曲與誰評
水近兼花去
天遙接草冥
何人候橫渡
招手立沙汀

江臯寄葯房

江臯春正波落日下長坡避影鳥啣草擢花人渡
河雲陰低樹重雨氣入山多明日理烟艇言尋張
志和

夜酌

餘花裊幽風病香暗無影寒空破纖月怨禽齊作
警離心對愁杯安得不獨醒綠苔入戶濕涼露在
眸冷春去如雲飛一夜人閒靜

欲雨

海上風雲色春天不得高波聲入雲闌鳥翼側風

勞寒接殘年近陰排淑景
名花爲人惜何處最
蕭騷

寄蘇秀才其詹

膺瑞

君愛西山月天風一笛高
秋聲叫河漢南國立波
濤漂泊文章賤存亡意
誼牢惜哉胡豸浦吾輩失
風騷

鷄鳴行

雄鷄膊膊屋角鳴東方
熠熠大星明萬物不勞天
下靜征夫獨起懷遠程
征夫一身無弟兄長路無

窮窮一生可憐客子不解怨怨在婦人機上聲君
不見朝雲隨風自奄忽從離故山無歸日

喜雨寄葯房

矮屋雨絕好薄衾眠亦宜葉高到瓦重晴久下簷
遲上巳衣青草春風水碧絲斜川景新淑遲汝和
陶詩

與黃秀才虛舟

丹書

二月清和淺作秋暝風重爲病夫留碧桐影下勞
煎藥紅燭花邊自擁裘入畫山川如寫夢對君吟

咏自忘愁深知愛我西征草更勸南浮續昔遊壬

有南浮草一卷失之

又與虛舟

兩年一月作離羣殘臘初春再訪君風壯城飛萬

松雨

萬松嶺

晝寒簷落五山雲已成鷗鷺頻來往欲

以丹青佐見聞愛爾雅言無孟浪不言時亦溢幽

芬

種竹已長作長句寄張葯房

南風昨夜吹屋角始覺蕭蕭涼有聲去年五月無

處立赫赫赤日行中庭是時與君居府城君家天
井接簷楹牆根約畧有數箇不得過人頭上青今
年園翁遺十莖逾月迸筍已怒生海風吹雲四天
濶海月挂在長條明山人詩骨如竹清不著點墨
知畫情夜潮入籬三寸平倒影入水深亭亭孤雲
自來枝上行今君苦熱應未睡安得來步藻荇橫
朝來忽復作小雨呼兒開軒眠獨聽中林幽幽人
語絕但聞深碧棋子鳴

秋江行寫別贈張秀才藥洲

日瑤

八月涼風素波起歸心夜滿秋江水江上離筵耐
堅坐筵上哀絲澀柔指炎方暮節江漢青畫船暖
燭玻瓈明美人長歎起勸酒廣袖押花條脫聲酒
行按歌淒以清江山夜色遙含情朝來人寂江水
濶上有曉雲行不停茲來七旬住山城朋輩不放
一日醒綺叢自有文字飲淺權兼修鷗鷺盟就中
惜別不忍別城東明星海西月已傷哀樂向來多
且信風流一時歇君不見廣州城下南北河垂楊
今較古來多西風時候猶情態一路送迎無奈何

別席

水光山暗月平沙
船尾東望生曙霞
坐殘竟夕離筵酒
歸臥清秋遶屋花

感秋

楊柳灣頭人已稀
南湖舟子送行歸
秋風又到芙蓉葉
照見江天鴻鴈飛

范寬畫山水歌

古壁嶮落險欲摧
一展范寬山水生
驚猜斑斑裂絹作
墨色石角濱上紅
莓苔一松軸末勢
橫出氣

態直上枝垂廻一松鱗爪上搏攫意欲絕地揚鬚
顚根虛似有化跡伏葉黑豈無靈雨霾松中泉飛
雲橫走石梁冠松連兩厓梁頭二童子挈榼瑣碎
羅山杯梁腰一仙人曳袖邈遶行淵雷梁盡一落
欹石臺臺有三叟旁仙孩目光所到如有語謂何
夷猶行不來背列數株樹一葉不著成秋柴中林
幽風靜不見但見仙者襟微開樹背平圓一坡起
寒綠細草齊如裁坡側雙峯削玉立顚重於趾危
不頽峰均秋林對冥密林杪遠插三蓬萊自此心

去無垠垓覽竟再拜重流涕古本幸不罹塵灰流
傳幾經好事者去年故人懸小齋華屋山邱故人
死此畫出門無復回嗚呼眼無常物豈常主餅磬
自覺恥及囂我遐獨暇哀人哀

梧桐

以下三首
還村莊作

不覺新陰已覆牆梧桐初解媚秋堂主人却向入
池館坐得楊枝幾尺長

藤花

廣州花時過未曾夜夜素馨穿作鐙別席扇香今

夜在月籬風架墜秋藤

竹

始愛梧桐成長大不勝寒綠又疎黃西風却戀山
窓竹小有秋聲入夜涼

江上

江上日不雨秋高勞我心沙鹹澣更白雲燥晝逾
陰田食南歸薄家書西夢深何人好遊宴妻絕管
絃音

秋夜

秋客苦長夜生平俱夜長
別離無近遠時節卽風
霜月落啣江小山枯抱
郭涼菊花吾負汝村舍
半籬黃

郭外

晚秋出郭外久立入斜陽
地迴風雲急年饑氣象
黃詩人采苦栢吾道愧
空囊昨夢開桑落山妻
話草堂

夜過謝守戎齋

藹衙齋

不覺隨明月還來入綠楊
聽詩憐部曲把酒卽笙

簣

衙齋面珠
江佳麗地

箭響海天肅馬嘶沙露光約君攜伎

去秋色踏青蒼

落葉

秋懷感風雲林木生衆號衰黃起中野颯上懸波
濤旣無根株力嗟爾所歷高天清浩蒼茫大江急
滔滔於何爲終極莫得就近郊萌春一何靜隕秋
何太勞茲理誠足憂窮士當有操

五百四峯堂詩鈔

卷之七終

五百四峯堂詩鈔

卷之八

順德黎簡簡民撰

戊戌年

增城縣渡江中道至資福寺

以下皆補作遊羅浮時詩

涉江蹇中洲廻疎城頭山落日白沙濶送行人已
還登麓亟趁途僕夫隨後喧西嶺阻景景廼云日
過殘矯足陵危厓枉步阻岐瀾松枝俯掠地石容
奮干天望林意思止聞鐘饑欲食山僧不識人杖

藤來啟關夜久山風多靜對無復言

花手寺一宿贈志師

志師老好奇深目類見骨自言獨拄杖五去觀日出
青囊裹松子一去住一月久吸東海霞金光入
毛髮延我松下石索我騁畫筆高望雲中山奇怪
窮我術乃爲作平遠自願避岬岬遂爾破酒戒高
眠共禪室朝來別堂上雲氣濕古佛

清流石橋橋上試茶

入山心自平望山心乃奇鐵橋古仙人招手天風

吹山深日易暮怪予行步遲石梁架奔流石沙碧
如絲匪惟試甘冷亦與僕從宜嗟予歸逾年始與
神山期太息泉出山茫茫無還時謝爾去人間與
爾從此辭

華首臺後至洗衲石

并小記

華首臺之路四五里不見天日葉翠滿衣拂
之不去觀雨花橋之水若積山怪雲至臺臺
平至堂堂折自香積厨沿笕得逕爲合掌巖
巖左側落爲洗衲石石故坦坦飛泉照人於

是與同遊二子臥石上時青天空寥白雲未
急幽鳥一聲山翠已落

登頓倚靈跡隱見覲神構陰窈風雷蓄陽林笙竽
奏鐵石積古寒玉條娟今秀造物視詎給化跡信
不謬虛堂清鰓睡夜點誤崖溜淪茗持露重披衣
擁雲皺紀辭待後感燭壁惑前鏤凌晨續奇步竟
日索異覲冥冥烟蘿嘯至人詎能遊

東坡亭寫東坡於亭壁

我尋東坡亭實欲尋東坡伊人棄予去斯亭爲誰

過石泉自昔在風葉經年多白日素壁冷懷望山
之阿面牆奮我袖落筆垂廻波生氣颯風吹雲光
下岷峨長姬立朝雲昭質結怨蛾空山夜松聲月
暗來斷歌風雨有圯場魂影依藤蘿

白鶴觀登五龍潭上玉女峯

遵水出觀側攀石上亭脚坐疑潛龍怒水勢憤逆
落空潭貯元雲深光入青嶽山半偈取徑古篆壁
對削橫行跨潭頭長橋臥大壑日色耀積鐵俯視
眼火鑠土人曰行經一橋盡仰觀孤峯弱娟娟杳

離立娜娜態欲却登陟緣右袂息憇臨髻角始驚
飛雲高猶似地下度已見東逝川一縷裊空廓

冲虛觀至朱明洞

并小記

仙人已遠山水在茲興至慨深信疑交立自
冲虛觀入朱明洞地深天高石危人小萬樹
負勢泉灑中林蓋太古以來日色未展也力
厭藤葛廼至於此見其巨石橫下上有古屋
於是登之言通小有之天未緹仇池之穴斯
則遐想神踪徒存靈構者耳登臨旣倦勝賞

彌欣旣丹竈之可窺何羽化之莫繼山中古

泉若可汲引松梢白雲與人去畱

吾翁慕真侶全家多道氣賣藥蜀楚間求書吳越
地寄書還亦明遂欲闢靈異高蹈攜子孫啟讀瓊
笈秘葛令爾何人胡必同其世小子獨往願亦有
偕隱志山妻伯鸞女自結青荷帶勸築五畝宅多
供數畦菜不知麻姑田何時入官稅

水簾洞

千百石疊迸滙此一簾水清寒先迎人去此尙一

里懸雪薄不破奮雷伏難起靜極入山客雲水勞
未已想見洪荒來全湧遂至此崖藤老盡力石樹
凍半死棉裘凜稜鐵骨戰及吾齒投暄出陽阿回
顏有生理

黃龍觀尋陳琴知不得

并小序

陳琴知吾邑人也淹通誕傲所之輒窮妻氏
中逝又無子女廼自棲元道山親友莫踪枯
隱茲觀經術遂廢雲蘿既深日月自遠姓名
已更形貌亦閤空山漫漫滋我太息

杳彼無名人避人有人存孰令窮至此廼竟成爾
尊自云長生樂而與長滅倫琴知不歸山將爲適
誰門擁書死人閒無處容爾魂昔日腰下劍蒼龍
倘防身山中有魑魅畏爾不敢瞋去去吾汝辭千
秋闕斯人

延祥寺至寶積寺

泉壑投延祥松麓上寶積俯窺無底雲却立千丈
壁東峰忽深黑雷霆迸虛石雨來挾飛瀑聲與萬
松敵長雲過人頂急步脫我屐山寺已閉門叩關

者何客回顧所來處漫漫不能識老僧呼洗足
禪
禿抱衣炙旋尋池洗藥復究泉卓錫

雨一首

嶺南四月稻花時日赤雲光白雨宜小動風雷入
今夕數憐桐竹決歸期隔旬家食知無計十載游
踪憶補詩屢枉故人相問札也勝閑話自翻披

杼憂三十八韻

憂來不能杼密雲共沉結禿無西南風爲破海上
月廣州入初夏時日但坐闕昔予萬里外自恐家

食缺今爲故鄉客亦報糧屢絕貧士愧傭保遠近
事一轍蒼茫登北城田風長苗悅遠塍蠕而動來
人更相迭人人負囊橐官糶久未輟豈無詩書士
入此貧者列予欲叢其中朋輩笑我拙寧無斗升
儲及爾妻子活長歌動粵市筆巧言迴訥君去勿
復道余自匪賢哲畏人如鷦鷯懷芳感鴟鳩斯歎
太倉鼠郢待豐亨鼈閑居指懸樵悶處口銜碣典
衣謀客食摻篋茲乏竭僮僕私自喃我任其蹇劣
年荒我當困我愚彼當猾妻孥且寬顏況彼蟻附

蜀西蠻比年凶米價近稍埒哀我短命妹遺孤正
淒子不及食新麥長恨積古血生不見汝死老親
臨汝穴今年挈甥還遠與墳土別新鬼待寒食不
見紙錢熟今夕千里淚灑汝墳旱裂悲風下寒雨
長天亘騷屑粵城連北山雲木隱嵒嶠售地大石
里卜築面廣濶移家雖城會亦可避煩聒養親數
弓內近市有甘潔惟憂二人心終爲逝者閉床頭
無黃金人間又炎節忽忽恐愁風瑤草亦易歇中
宵數搔首平生恥捫舌涸鮒需誰甦囊錐幾時脫

夜入粵山問郭山人病

適

支床南郭仍聞籟抱病東陵舊種瓜
徑曲爲依三畝水燈光猶隔數層花
千年法物陳良藥四月春衣去典家
緣是酒醒休料理相過需酒爲君賒

三更

三更風雨急波浪隔城聞忽露粵臺
月復高滄海雲鵲啼百家共蟲語破
垣分落莫兼長影殘膏厭獨焚

別其詹

柳岸咿啞軋櫓鳴蘭泉鳴咽出山清弱帆恰穩支
床臥壯歲頻爲採藥行竹筍糝羹家食好藤花吹
夢病詩成今年君有西峯月長爲何人發笛聲

調張藥洲

藥洲居士但長顰愁匪心腸病匪身至竟廿年痴
絕相十分忙着與何人

奉憐詩四首

江上深秋淺病粧蘋風柳月一支床渾脫弟子親
盛藥已是知名十二娘

病欲依人瘦欲仙一綈涼服縐羅烟識渠都愛麻
姑巾不畏龍皮索索鞭

拍拍風江蘆荻波銅盤銀蠟促筵歌大姨親送小

姨嫁春草明年人奈何

小姨多矣然皆重許而遭輕別阿憐殆非不智也

不住東頭西子溪出門笑向赤橋西避他無病頑

眉黛爲汝渠爭百病齊

是時憐遷所住舟于柳絲書館之西

寄周肅齋明府

士孝

山人見周侯數數藉手拜周侯接狂簡始亦縮舌
怪被褐布裘頭不肯腰束帶論詩不妄語語輒水

澆背據席盡山水慘澹出遠勢一抹當事終意去
墨有界物象寧止此天水更無外是於歷險後精
神入微會方當心思發廻免指爪械廻眎數年作
堆垛等肉敗茲焉得詩理詩力掃瑣隘周侯味清
腴動復致高大今年春夏時連月見稱快叩門長
鬚奴飛牋妙無對二子出拜我靜氣溢風槩熊耳
雙峯標含靈洩烟靄往往於我詩學爲狂奴態壯
夫挽天河當自引別派別來經秋風夢寐兩人在
冷官值寒節加衣自當愛出門西向悲身亦宇宙

丙悠哉平生年幸矣薄罰罪萬里非一朝何時返
歸旆江波增憂勞南臥忍關塞

檢亡友陳觀廷手札

觀

簡昔居西蠻數與陳觀游蒼蒼大野平高臺浩然
秋客舍坐不厭去住三載畱誓將爲兄弟並舍居
羅浮慘慘予東還握手當河洲嗟哉大江水作此
無窮流人生易終極後會不可求病札與我訣病
坐蒼梧舟題濕已爲鬼魂孤何處愁生常辛苦年
死竟自去休邊風吹昏旆清波影悠悠我病君鋤

藥長機荒山陬日暮泥足歸寒鐙照床頭君病我
不知呻吟寡無儔無儔遂至死已矣吾負羞陰氣
吹寒房展篋涕兩眸陳人剩新語故交多舊邱感
此增忡懷壯歲集百憂

秋九月桂林少尹李南澗

文藻

病腐脇書

來與葯房石帆虛舟及余各求一輓詩
又云他日語其死狀以救荒策陳於上
官不得行其志鬱鬱以至此也繼又至
一書僅辨三字餘燥滲斷續不復識矣

聊作此詩而已

夢寐三年交西北萬里別一官身將老五斗腰懶
折經年無隻字有字卽永訣丙申餓窮冬凍淚結
面雪離舟各烟水殊方協蓂葛兩枉大雅作遠寄
慰寒褐之官思東遊空囊淨如抹監河奔蒼梧况
是生死穴苦云今年饑餓殍四覩列病軀衝死氣
檢葬日不歇千錢致斗米官亦啖麴乾上書策救
荒所學期一洩方員有赳赳肝腸坐幽鬱淫毒積
愷懷疽背見肺窟伏枕荒山中待命幸痂結右脇

復生楊臂肉潰至骨民瘼病未蘇吾痠痛可割呼

兒俯就爺背上作書札首書竟死矣三字讀千咽

次下不可識語斷墨滲缺先來一封書書中願有

乞張黃與黎呂各求輓歌一續有最要事託傳去聲

陳氏節自言未傳此千古眼不閉傷哉儒生心炯

若日月揭往聞周侯寤獨哭坐天末每尋兄弟樂

口自生石碣賈生厚天性哀樂致殊絕叔逝伯柴

立季怒伯止餒悼亡兩佳人瑀樹餘短茁李侯弟靜叔有

文行而早逝又兩喪家室一兒一女俱幼穉皇天豈無意賢俊古顛蹶

神聖實忸怩後士復何說人情固嘆喟公衷洞慈
達轉爲掀髯吟爽翠眉上發拂亂溢方寸困橫忍
豪髮生名青雲器死爲丹邱血吾輩遺一信彼土
阻累月不冀氣數外但望旦夕活庶幾黃泉底交
心得粗微轉惟我侯者及時產邦傑經書爲文章
忠義之所出司命倘可告茲厄或爾脫實恐命至
此飲羽堅不拔枯魚不望水惟有多涸轍昔年居
廣州往往生驟疾醫和照五內體胖致痰厥忽然
得清晏走報誤倉猝用是私或寬而茲邈難決山

河亘紆遙斯人亦慎密北風吹寒景獨立真宰濶
題詩畱後時委心任存歿存爲再來人歿爲哀辭
述

重寄陳徵士元則得十二韻兼寄何勤良

文宰

漠漠水草冷颼颼村葉黃去年君是月來話我秋
堂脫粟炊紅玉飛蓬撒素霜爲儒饑不死玩世老
彌狂橫術結鞋破直躬寬褐方瘦兼吾有病吟詡
汝無防可買扁舟否還親刈稻忙天風動遲暮海

日遠蒼涼放達憂衣食身名計短長懷思有篇什
交好外文章佳札茶麝露寒烟橘柚鄉諧詩聞女
弟小葉問何郎

陳素恭有
靜齋小稿

寄仇漚洲

巨川

妙絕賢東主西樓在竹西露螢花院照風浪柳簷
齊天氣三分月詩心萬仞磯何人還勸駕官札動

幽棲

時將赴
蔡氏幕

五百四峯堂詩鈔

卷之八終

五百四峯堂詩鈔

卷之九

順德黎 簡簡民撰

己亥年

新雷

遙識滄江外殘宵立黑波
新雷動天地春馭失羲和
村響雲低瓦花流雨送河朝
來看播穀赤足也青簑

戲爲絕句八首

江雷故故破春眠村口吹波到枕邊雨裡題詩花
裡夜整拚陳思入新年

試着儒衣青似葱繩繩長帶裊春風羅敷冷笑嘲
夫婿個是盈盈步府中

剪紙斑斕獸樣銚蠟烟光曳小輪繩費他閨性勞
兒女笑舞春墀喚不謔

昔昔懷人夢南洲遙遙度嶺似東坡聞鐫海外流

傳句祇爲聞聲喚奈何

張粲夫近欲鐫
南洲海外詩

揭海波濤坐不濡肉峯橫錫衛天吳髯公履險如

羅漢墓樹需懸渡海圖

南澗命工摹貲休所畫四羅漢其一爲渡海圖丙申

冬別南澗於三水舟中爲作渡海小照未成

江柳江花思妙年大喬小喬俱水仙桃花雨內春

潭碧授曲聰明小妹偏

謂謝蓋臣

綠葉紅破碧桐樹紫藤陰待青蓮花中間合設維

摩榻禪臥春風病在家

病思蒼茫懶意生桃花燈影小詩成阿芸不識春

閨靜閣筆支持索抱聲

寫景

春雲去地三四尺雲頭深黑雲脚碧烟綿芳草濕
酣青重染晴雲作天色春江漠漠靜如織淺白分
明見沙石鯉魚饑吸不畏人之折桃花作魚食

春鳥

春鳥喜柔枝枝搖定却飛啣花鳴藥水熟客鬪撞
衣翅挾晴雲熱巢歸暮雨微垂楊蔭江館爲汝候
柴扉

雨中作寄呂秀才石帆

堅

不辨松聲接海聲晝雲陰傍瓦簷平夢迷上巳渾

風雨節感中年憶死生游戲郢人須宋匠窮愁遷
史信虞卿柴桑夙志疎人事計爲身謀早課畊

落花

日暮鳥聲急夜來飛暗花可憐春夢裏惟有月光
斜南浦草照水東風人別家祇應川岸路芳意滿
天涯

別意

草草落花了茫茫離思生雨兼潮有信春及客爭
程涉世畱儒術將詩讓畫名食貧還避謫雲壑代

深畊

夜還

村舍泥花夕夜還成早歸野螢低照月松露重驚
衣深巷聞寒狗幽閨尙曉機暗闌添細草牛苦不
能肥

畫山水歌寄何勤良

病起臥過九十日一日碧盡湖上山東連大鴈西
大科起伏汨沒波濤閒波濤西來山東走氣與我
筆爭巉岼我惟畫山不畫水要使空處聞驚湍濛

濛蒼石海雨後稍與日氣兼暄寒寒暄蕩漾無處
着着爲孤柳枝上烟就中小置簷簷亭江山此亭
真大觀夜來青鐙野風急風雨入我琴上弦泠泠
哀玉響篴屋墨意靜有琴聲存數阜畢列高林端
脩松密如山蜿蜒一重一掩斷以續數入聲偃數仰
危而安斟酌遠勢須灑然雲沙一畫態百千爲屏
爲障爲波瀾安得湘帆轉岳色山翠壓襟聞斷猿
斷猿不可聽白雲如可攀觀余畫者止於此此外
惟有詩句錯雜題青天

春江漁父辭

木棉飛盡柳綿飛
漁父春江夜不歸
水暖萍香照
新竹鱗魚將到夏來肥

寄羅海韜

方

廿載離情內貧交
汝未歸路於書更熟
吾倘夢相依
白髮新霜入青山
舊約違石潭釣船
月來贈我

容輝

石潭海韜村居

夜合花

夜合風情故異常
更無浩態有狂香
鵬頭力破重

胎綠魚子深圓一撮黃睡亦近人翻與坐暗如觸
處不宜光關心碧玉瓜期及冰簟銀床夜未央

溪竹

傷石直宜瘦窺泉青有光無人愛疎影明月夜波
涼脫節漈烟膩前詩長字行溪風動溪色來拂讀
書床

春暮寄盡臣

柳暗愈深雲欲明雲頭日暖木棉城城高散指東
西雨雨歇疎聞下上鶯花月春江淹斷夢泥塗筋

骨事深畊何當與我揚旗宴山海低昂風怒生

寄謝少白都閫

龍門春動看潮來鬱勃風雲挾暖雷長劍短歌真
將種海聲旗影大行臺夢殘漁艇遺詩卷花綯仙
城負酒杯肯爲狂生引弓手射魚吾欲到蓬萊

撰毋舅雷德威先生墓誌銘寄諸表兄

化宮靈雨藥山雲松栢蕭蕭十載聞遙惜達夫中
好學亦慙阿士繼能文鍾離不得歸亡妹栗里猶
繁有嗣君毋舅女甥魂魄遠陸途三日兩孤墳

寄潘振之邕州

近夢蒼茫尙遠遊佛桑花上萬山樓

邕州客樓

士龍吳

下惟宜笑王豹河西莫善謳五嶺壇臺詩有鬼三
江風浪石沉牛饑年過去還思痛青眼遙天汝白
頭

日日

日日江頭風水涼暖隄蝴蝶逐衣香今宵雨滿春
江水春去人閒碧渺茫

江樓

江上樓臺最有風無邊波浪上春空楚雲吳樹詩
情在碧海虞泉雨氣通死別病思千里外故人貧
見廿年中茂陵他日尊詞客杜曲微名付釣翁

李南洲哀詞寄肅齋葯房石帆虛舟

三水離筵夜千秋長別言文章古憎命天海濶招
魂遠死揮遲淚餘生出故園吁嗟寄朋友蒼莽此
乾坤

寄潘茂才潮生

潘結昏陳氏女女見鬻漢書以金釵換之未嫁而卒

潘感其事爲繪圖所買書今歸潘氏

一軸金釵買史圖讀時相伴夢時須閑居白首應
潘岳風葉丹心有小姑憶我苦吟成島瘦避人尋
畫逼倪迂煩君是處真傾倒好色憐才兩事俱

問藥樵遺詩

頻年哀輓最傷心死別流年日以深桓鳥析羣知
善哭巴猿刻意在哀吟已將饑餓遺家事未免朋
儕負夙襟直到畢生難塞責不勝明義繫人琴

海防十六韻

南勢地趨下漫天波浪高望洋開島嶼亡命藪奸

豪併力萑苻溢輕舫艤牢竄惟同兔窟令不響
烏號入市驚飛虎跳厓疾俊猱蒙頭尖帽小以竹爲之
塗面短兵操瀕海村無夢防邊將甚勞屢煩誅執
法容有網羅逃傳首模糊血離肢積漬膏國人朝
警殺居處夜還搔豈少尙方劍宜銷渤海刀寇恟
時一借吳隱望重遭鼠輩僉無赦官軍獲有褒若
斯寧費矢應是不容矧大吏尊廉潔平民散鬱陶
滄溟亦過化坐嘯靜烟濤

浴日亭觀雨

東南虛地勢風力揭重溟遠色歛低雨萬濤趨一
亭奮雷山趾動沉鼓水宮靈幽怪宜兼夜鹹潮看
浴星

先輩李明經

麟書

相過致其弟子顏秀才

貽光

斯緝

手札

矯矯丈人行曉村行步奔維摩花作地仲蔚草侵
門高弟應吾畏先生以道尊淺談餘夢寐中夜大
江翻

寄題郭山人就樹堂

廣州園榭百千強獨有山人就樹堂語默自通花
鳥性清廉惟愛水風涼春山舊雨眠留畫畸行新
名瘦且狂轉欲王荃染丹碧寫余香國小村莊

涼風

晴光結煩熱泊夜風泠泠天氣一爲轉物情良自
寧長波奏響雪萬竹吟寒亭恰當需時雨高田百
處青

野水

漠漠野水白菰蒲浮寸青渡人尋港入饑鶴守魚

停東海高雲重西樵宿雨冥曾須增泛濫波力拍
郊局

欵乃曲

魚塘海上萬波紅鐵礮磯頭日正東逼直行船無
轉折西樵斜日打頭風

水村汊港萬船行直出魚塘會櫓聲船頭抵波尾
攪水白浪滿江無寸平

采蓮曲

江南女兒生有情十五蓮歌花裏聲水遠風吹斷

還續費人心力不分明

落照

落日蟬噪急豆棚生晚風遠陰雛遶扇餘景婦操
紅避暑糜長日延宵話短釭友朋書札在存歿夢
魂中

偶書

去歲晚禾熟今年時雨調含啼向故老有命及新
苗漠漠善風遠渾渾醎漈消豐穰至頭白天意厚
漁樵

晚食後溪上

風潮碧以涼
陂草閒波光急
鳥歸無影高雲定
不狂昔勞甘晚食
齊物悔多方此後
年辰暇償吾去日忙

魚塘海權歌詞

魚塘海濶估船多
兩岸平田田外河
東南風起浪如馬
西北風來君奈何

小姑三兩尙無郎
網得鱗魚尺半長
海上人稀好

歸去去時風雨大
烏岡

陸秀夫嘗駐此名大
夫岡俗呼爲大烏岡

東南雲淨月團圓
水枝花頭光滿船
橫江獨樹嫁

漁女打鼓和歌來
鴈田

獨樹水枝花鴈
田皆水驛名

夏日江村

南風怒橫波沙崩
松樹根隔江食荔
還涼日落我門清
流入深巷涎蝸緣
短垣穉子弄水食
減飯戲魚孫俯見
簷竹影搖漾一禽
喧對溪波滿陂水
光羣木繁灑然扁
舟興遠不踰籬簷
垂釣不在得得與
幼穉言明日飽汝
腹小烹媚盤飧忽
然東南雲去盡月
照村

潮漲將赴五羊諸君之招

臥病聞潮濫水聲喧我厨巷深風送浪渠滿鴨鵝
魚夢見揚帆濶行當減藥初形骸駭朋舊惟此似
相如

末句答
札語

阻漲寄呂明經石帆

南漲天海赭青者沙上村出門一浩觀風濤傷我
魂遙知城中居外見大海翻且欲吾安眠無爲犯
崩奔雖自良會阻近得結夢繁我獨不暇寐臥聽
江聲掀移船入近市糴米濕我褲露脚坐太息泥

雨須陽暉我遠遊衣來就契濶論

三得顏貽光書速邀狂簡十六日當至五
羊與肅齋葯房石颿盡臣玠叔諸君數
會而也濶別驚喜而有是詩

自於良會見離情動有言辭歎死生試驗變遷聊
濶別不勝魂夢散茲行潮漫西郭船過市雨入南
風浪打城君道野人來不易廿年艱險足生平

同范愚谷

賢

晚食後柳樹下已而張大谷

紹藝
亦至

海碧歛夕光餘照在高柳勞人對山川何得幾攜
手曩別記此樹落葉滿飲酒今來道饑寒涼重綠
影厚營營暫相值似昔夢不久忽來張公子亦昔
夢所有我瘦見面稀致爾驚咤口安知我妻孥習
處互忘醜自從去年饑臥病心血歐家食減藥錢
錢亦仗朋友荆妻商藥價臨炊歉升斗忍使兩稚
子半飽號阿母測其愛我意不辨孰先後已恐如
淵明乞食強自守瑣瑣爲君語若厲得無咎旣得
去床褥稍可事奔走日入風吹波青燈共虛牖有

愧兩故人事業恐易朽

七夕還村莊作

人間此傷別予得偶然
歸星月柴關掩釵鬟螢火
飛拙辭須倍乞深露語相依
河漢盈盈水含情寥
臥幃

風色一首

早起秋氣在始知風色殊
露晞朝景弱雨後濕雲
枯昨夢莽千里初愁接大湖
勞生一何似鴻鴈爾
長途

居處近雙門鼓樓贈譙者

百年猶短夢消爾幾鳴鉦可歎人閒夜安眠亦遠
行白頭君坐得滄海陸初成今古無窮事悠悠入
此聲

所居樓南窗

不識高城外江聲幾許高大風吹海氣虛閣動秋
濤萬象夜生靜一身思獨勞布帆無恙在吾欲試
輕舸

秋熱不雨

高雲兀兀午天脚江水抱日光競天放舟中流碧
不動俯仰萬火刺眼眈急雨一掃入城去城中羃
羃生炎烟可憐修途不假蓋人馬汗似牛溲泉城
南僦居窄於斗爨火氣過食案前屋後樹陰不到
瓦十日無一鳴風蟬野人冷眼易觸熱况乃熱勢
煩相纏江鄉水木別汝去草堂植梧已如椽荆妻
拂石暮碧重穉子弄花歌倒顛忽倒竹簟壓花眠
呼不肯起體已寒我有此樂安可捐七十里耳去
且便田風吹衣水鳥叫明日去權花裏船

七月二十日廣州夜歸村莊

出城海光潤月照海上山仰天散煩吁登舟向南
還平田吹蕭蕭瓊碎金波瀾曲折下江潯景物點
秋寒迴視烟城深入氣萬瓦漚南窓昨夜夢今在
風蘋閒微名集好惡應接無樂顏明鏡置冷壁行
坐何由安長夜千古入孰使予不閑丈夫本忠信
動欲示膽肝疑厭常人情寄托志士難疾憤謝虛
譽往事一掩關鷓鴣知畏人而獨戀飲餐撓我高
尚志轉令智力殫焉能死溝壑身名後人歎求世

長抱忤歸里聊爲歡庶幾非齊人蔬飯中情寬歸
風美挂席入門更欲殘秋機軋餘火屋角落月圓
離情見面苦軟語愁相看

過周肅齋贈二子

立規
立矩

辭家出門去出門還閉門寂寞馬蹄裏起臥羊城
根瓦鼠鬪我頂時墮我脚跟暑氣至半夜尙似洪
壚溫夢化萬里風去冷熱者魂周侯南州住屋廬
若窮村休官寡趨謁始知靜者尊置酒接深語兩
兒恭聽論開書就杯側瑣碎窮我言詩家重理律

要在空籬藩駿馬不違地而使烟蹄翻鈞天本神
樂亦勿宮商渾余惟不羈束坐令去日繁走馬半
天下途窮返方轅山海送日月風俗同寒暄忽忽
成愚賤愧子青霞軒遂於朝夕內看爾聲名騫落
落悲此人身世容乾坤

江雨

江上一角雨奔走雨脚所到生層波四方赤雲上
萬丈重不肯墜光峨峨焉得孤舟入雨去雨似銀
竹如陰蘿天工掀水大運掉南箕鯢揚風揭河蒼

茫一落直不動忽爾斜若指日戈黑雲下壓城東
垣景偏赭西城阿城中炎涼半苦樂何不疾送
飛雲過眼中百里鬱塞氣飈然吹作風清和是時
我將歸權歌未歸將奈此雨何登城追涼越山晚
颯爽霜意飛青螺

寄雷氏表兄山莊

達礫名山莊

達礫搖言大石也兩山之閒大石橫截中有流水故以名

石泉灑

古翠行人俯雲岷千丈不到地雲水兩衝撞爭上
爲雨氣盤盤赴山居樓閣冠形勢叢篁攢如峯陰

蘿下爲蓋松枝直干石乃復怒而避諸奇競成易
衆響互相礙孤亭歛暇物寧心體變態昔此依毋
舅杖几熟陪侍勝懷已飛騰始十有六歲伐竹兩
峯抗名堂八分字予時爲雙峯草堂於屋後屋後一徑直天末
萬象至城中十餘夫百里致書笥悵矣書被災山
翁亦仙逝藥山松栢風年深作哀吹毋舅葬藥山之麓茲
堂不十稔楹檻就蕪廢而翁所登頓烟霄坐談藝
葺補不以我庶繼往者志白麀定有子老鶴未損
翅魂夢十七載宿宿入往事山川數千里夢遠恐

失墜倘來萬山樓經過我亡妹孤墳山路旁爲我一弔祭我甥爾族子無使坐顛沛我今坐拘束今昔有難易死爲不及訣生爲遠拋置嗚呼我陷缺終身負情義或能復重來堂下理荒穢亦爲修其墳畚泥雜沍涕

寄贈周青岑

立矩

肅齋先生之仲子年十四號青岑生好奇生性過我癖對坐置我五岳行去秋從我借昌谷滿城西風背人讀詰朝新調驚阿兄大野荒雲莽寒矚阿

兄華年始十六士品詩情潤如玉子乃神駿不羈
束周郎周郎吾見稀父子秀立三峨嶺惜哉會有
萬里別看汝無翼聲名飛中原後會吾老矣白髮
青山予且歸

予嘗作羅浮觀日圖贈周道士今日忽欲
復作此圖寄何徵士勤良爲先作詩寄
之

羅浮欲雨天突兀暮雲晚山辨不得不知一夜雲
化水洗出東南半天碧二樵山父黃葛衣踏曉獨

開山上扉夢然冥海萬里黑中有滄涼紅百圍赤
明道士亦好奇獨愛此景請畫之畫之別我向南
去衡岳洞庭行挈隨此人今已雲水杳此景恐爲
人世知我亦出山忘誓辭畫亦彷彿不可追可憐
牛馬走塵土更復身心傷別離何郎昔訪我對我
終日坐歸去橘柚鄉別我一載長秋風幾日吹綠
草盡捲江聲入懷抱心尙波濤定後驚身向朋儕
最先老榮名願及饑時貴絕技原非死前寶昔寄
畫一紙畫山不畫水

見前詩

今乃更一端畫水不畫

山要令碧海洶湧日破爾粉壁青苔閒於陵先生
夢葵食夢亦傷廉心不安何如對此飽亦得不飽
可質飽可還苦心作詩乃無益君不見杜陵野老
不得食

斜暉

斜暉在江上忽上萬山東又逼晴天赤仍分遠水
紅鳥疑初落木雲急更歸風氣候吟邊改衰燈百
感中

秋雨

秋雨空疎極聲圓荷葉開光移罨山景涼拂過枝
雲晚水魚登市新風鴈叫羣村人却無事歡喜入
秋分

寄黃明經虛舟

好雨晚蕭蕭秋眠病不驕透涼舒氣血清夢戀風
潮暫別頻親藥當來爲折腰相違方十日真怪兩
頤銷

畫郭山人扇子詩

秋城黃葉邊林日明溪船歸客西風鬢清波南鴈

天野村寒見瓦江路淡如烟去去君休忘朱衣釣
石泉

冶銅仿古私印破一月得三十顆夜夢李
南淵來索觀甚稱美余曰人久云公死
妄耶但笑而不答肅齋葯房同坐甫議
爲銅印詩而覺

生死感不遠此奇今未聞秋風閉門夜仙客渡江
雲水火非人巧尊彝證古文應同掛墓劍不敢負
徐君

門外

門外白雲高秋光入海濤水涼天地濶風晚鶚鵬
號世路從茲遠吾生甘分勞鷦鷯一枝足病葉故
騷騷

遲暮

秋風動遲暮九月越王臺山赤斜陽早天高大水
開愁兼雲色去寒接鴈聲來歸矣憐芳草蘭叢吾
所栽

江波

村舍江波內江聲欲濕衾夢歸寒節少愁入落黃
深潮白全疑月風疎不聚林孤舟在籬下鱸膾故
鄉心

獨居行

木葉走瓦波走海海飛枯沙雨鳴屋秋聲壓空勢
起伏早風吹寒不可觸觸之有似棘刺肉裂衾莫
得煖兩足衆雛瑟澀如一束朝來過午飯未熟未
飽不暖頓足哭去履自趾凍至腹阿母心傷瘦懷
犢沾盤踏餐與飽煖據闕歌笑聲詰曲吁嗟物性

須求安已生自易已養難門前樹烏巢其閒上有
明月照獨樹中有九子啼夜寒我今欲出羽翼單
今年春和食屢絕羊裘久爲典庫物當座低頭見
蕭瑟出門仰首畏縮慄悠哉宇宙何廣廣獨居一
士在草莽

寒夜憶亡妹邕州

孤墳在天末骨冷汝何知有子辭多日爲人好幾
時聰明應自悟魂夢及吾疑曩夜平生見蒼茫無

一詞

野堂

山海容歸興波濤展野堂
潮增夜天白樹合晚雲黃
殘菱騷人服寒花饑客糧
頻年計衣食無地話農桑

田中歌

饑鴈叫風野日白田鼠倉皇亂阡陌
田頭背立泣寡妻拾穗盈筐人奪得
自言一日勞可得三日食十日刈穫了
可儲一月積今年三日皆空還明日
重來復何益出門時兒已饑入門時
兒拽衣娘得

穀換米歸兒食粥娘啖糜娘空還兒哭啼兒勿啼
娘心悲向屋後望菜畦天寒雨瘦菜不肥籬疎畏
逐強鄰雞閉門抱兒勸兒睡明日娘有飯娘自有
較計北風入夜吹破屋上有明月照人哭人哭不
聞聲但聞兒寒就娘聲瑟縮

前輩陳秀才邕州還廣州別二十餘年寄
書來促一見約以十一月初旬也

君從邕州來田多土人少傷心年倍豐千里鬼不
飽前年旱死種今年盡甦稿中有同室魂田頭哭

秋早生爲不及新死爲不能保野兕飫不食蹂躪
任顛倒君去受饑餓生還迫垂老秋風江聲窄涸
石長牙爪尊嚴蛟龍宅呌嘯豺狼道三年炙曠日
磊若鐵頑矯礪礪灘勢大陵輾客膽小不歸身幸
存歸矣命草草忍使百年人疾付一過鳥下來生
涯寬迴首死境了夢中猶哀狼魂冷江水曉寄書
問窮村寒擁木棉襖七年江海思心戰波浪攪高
歌晏入市糴米笑此獠離衷積少壯迂顏忘醜好
自枉昔寄書詩格破冥宵久別欣會合變故愴懷

抱孤廬寡時務聞見轉電掃茲往不可違此士實
俊造上聲庶盡八拜禮欣捧廿年稿北風鳳皇岡揭
海灑木杪平時一煙艇昂頭出漂渺離憂彌舛舳
往共析堇蓼

江亭寄羅海韜

大江前橫月色凍今古蒼涼氣如夢寒亭一夜波
浪急千里清光爲誰送君昔失意方壯年石潭秋
風無釣船石潭海韜居處白波紅樹使人惜黑水黃茅空
自憐廿載悲歌走蠻道半梳秋髮成詩老枕邊鄉

夢出三江江聲雨聲共懷抱眠時雨低眠不長曉
來路滑行復傷傷心念我同遊子遠別七年滄海
旁君今憶我舊多病我昔比君今更狂出門乞米
入門笑宅邊柳樹花如霜風吹柳花雲撲香東飛
西飛不着地落處還着我衣裳

寄周肅齋

天寒出門歸海日凍我廬風吹我庭樹蕭索一葉
無入門問饑寒飽煖亦已粗且言自君出寂無故
人書憶我賢周侯常遣長鬚奴前年我病甚致藥

方法俱去年饑住城中析私囊儲今侯倘安勝不
見三月餘嗟乎我周侯儼舍羊城居有官清且廉
去官貧以愚昔年李南澗之官桂林區聞君南困
窮坐哭天西隅此老辭我輩歸骨青州墟乾坤莽
莽閒去者不可呼人事有變更來日恐易疎搔首
觀浮雲憂我交遊孤蜀道入天盡營魂不能踰粵
國入地深迴首雲模糊相思競年命離別在後途
復恐多病身重物摧輕車雞鳴披衣起凝陰逼人
膚題此寄我侯待旦增煩吁

寄羅浮張煉師

山風吹雲雲出山山中之水流人閒請君一試問
雲水茫茫天地何時還十年夢繞叢桂寒桂花夜
飄吹古壇雲旗影直山月午月滿下似團蒲圓團
蒲飛入碧潭去潭底黃龍窠屈盤老師不動觀物
變雲起神淵雨霏面已知靈怪在轉睫且隔風波
不相見我向人閒閱生死君從世外呼雷電我之
魂魄君招之與君蓬萊尋舊師汗漫一去海塵飛
雄虹在手星帖衣玉繩五色驅青獅

青獅峯冲
虛觀門外

戲寄謝劍池三首

大海東風走逆濤
河南河北柳枝高
兩邊樓閣波心艇
暮雨朝雲何太勞

晚雲狼藉過江飛
帶得秋陰急雨歸
夜來潭下見山月
與爾冷開江上扉

雞鳴滄頭雞鳴羣
花船槳急各飛分
櫂過珠海猶含露
散與珠娘化作雲

江村二絕句

庭梧落葉盡高枝
指寥郭晚飯看行雲
倒景無處

着

沙晚蒲蕭蕭水急風汎泝江上千里雲低壓胡鴈
背

窮愁

窮愁著書懶何事遂虞卿天意存微賤心機破死
生依人忘暖席乞食入寒城未敢敦奇服仍防有
污名

不出

不出似寒雀故林猶可歸風霜衆雛醒天地一枝

微身逐名難及貧傾智盡非深憂漸平聲淺悟吾倘
入於機

村晚

村晚樹蕭疎斜陽滿井廬舊寒豐白蜺新霧賣嘉
魚遊倦詩名寢憂深物理虛荆妻糜藥餌不暇賦
閑居嘉魚食霧而出小而豐肉色微黑而口下垂漁人得之價三倍

婦病閒謝何徵君方藥

十年生趣在聞切數勞君病久身如葉房暄藥駐
雲休農聊免饁能織亦防勤歲晚蕭無物私心愧

所欣

閑居

閑居頻計食卒歲歎無衣六候常占夢三年未假
飛榮衰住花國得失足漁磯病甚宋華子坐忘無
悟機

過江訪友人論詩有作

七十二峯倒江水俯見峯尖插天底一舟天上櫂
海松廻合三萬寒虬龍野人不渡江數月思慮平
江閒奇變忽萬種中有靜者行不驚君家堂前凍

波白奮濤壓瓦響松栢空堂寒坐衣刺肌轉愛園
中小軒窄促膝論詩變壯語勃勃暖烟暄几席詩
家當代尊者誰秋谷杰出新城危死生且爾爲門
戶甫白不聞相是非身前之名尙按劍身後之名
無立錐出門一哭入門笑古人不達予何爲浮雲
不解爭天飛閉關老死無猜疑虛空畱與聲名歸

獨夜

獨夜起闌江月寒四山陰似夢中看關河霜雪朋
儕舊溟渤魚龍窟宅寬空有相思送遲暮更無佳

譽恣懷安扁舟合試墻根竹敢趣任公下釣竿

和何友人洞庭湖寄懷

八年辭八桂南夢憶南浮落葉洞庭響滿湖衡岳
秋予傷歲遲暮君接古離憂司馬吾何敢多吟或
白頭

九藥

江亭安病態九藥面寒川消長看孱體波濤感盛
年無生何計死期道不言仙南國春風近流鶯選
樹眠

村夜寄其詹

孤舟歸荻浦寒火見漁家岸暗昏如樹江明月似
沙薄衾疎夢緒餘葉極年華愛爾臨風笛吹子藉
地花

趨墟

未能無世事近亦趨墟晨儉願求餘物勿趨避後
人及時終一散不約復相因盈縮茲常理優悠與
衆親

治生

治生貧不豫寒至索衣裘任達猶疑命歌吟不飾
愁有來成一往遺願寄千秋風葉中宵落門前大
海流

雞鳴

四壁動寒氣語闌雞續鳴萬家何處夢孤火曙星
明夜遠愁眠短心危大海驚數番思起舞瑟縮布
衾輕

復寄羅海韜邕州

在昔李南澗邕州使賑饑拜嘗餽粥飽死滯女兒

歸此老君應識之官世所稀爲詢豐歲後存者幾
人肥

五百四峯堂詩鈔

卷之九終